

趙州志

卷之一

地354.61

276

1276

地354.61

276

1



趙州志序



禹貢別九州疆域底慎中邦之賦即菜之廩  
絲淮之珠魚與島夷皮卉之服悉數其物州  
職方氏掌天下之圖以掌天下之地辨其邦  
國都鄙之人民與其財用九穀六畜之數要而  
夷蠻閩貉多男少女多女少男亦附載之夫  
殊域異類纖細瑣屑固宜其不足登記者而  
且猶然志焉非以政俗故繫司化柄者固不  
得而畧之歟趙州故昆彌國地自漢元狩中  
封滇王賜玉印治白崖其後稍置州郡隸屬  
不一非獨其疆玉山川為敷奠之所未及雖  
其牧守所置職貢所制視中猶濶略甚蓋用  
夏蠻夷有待而然也

明興華元命改大理路為府趙州隸之分盡  
張設一視中州幅員之長而規制之備無論  
超越漢代即夏后氏聲教之所暨周官圖籍  
之所載方斯蔑矣自設州志迄今二百餘年  
聲名文物彬彬焉與畿甸同風乃州志缺焉



不講一方之政俗曠焉不載雖其事間於郡  
乘然略而不備者上多莊守誠治州之暇取  
掌故之籍讀焉網羅乎放失芟蕪乎繁蕪上  
下乎二百餘年之間而窮其其因幸得失之  
故為志四卷凡風氣之淳澆吏治之隆污地  
方之舒促財計之訕羸人才之盛衰防禁之  
完窳靡不精究於心而詳書於簡鉅不逸而  
細不遺也斯亦禹貢周職方之遺意哉志成  
且刻而置之座右日按其籍稽其利害而與  
民興除匪疾匪棘悶悶醇醇以仰稱  
天子慎簡良救惠養元元德意俾萬里外禹  
貢常通周國益廓亦尚有藉賴焉斯志之所  
為作也豈徒述往藉於簡編侈誦說於將來  
云爾而已哉夫因谷導民咨故實以行之者  
守土之吏之事也帥屬興理而屢省厥成則  
自宣者之職也故予於莊守之為茲志樂觀  
其成而序以勗之

賜進士第通議大夫雲南按察司按察使奉



勅整饬金騰兵備前分守金滄道南昌姜忻撰

序

趙州在大理群北二舍當西南孔道自漢司  
焉遷畧昆彌司焉相如渡赤水諸葛武侯師  
次白崖平西麗蓋使者輜軒所至相國旌麾  
所臨衣冠文物所風被其來已久迄於勝迄  
於勝國雖其俗稍變尚仍糜莫之陋則以疆  
王所附屬朝夏而夕夷州麗所建置歲分而  
月裂化導不一而從違靡定故也

國朝洪武初平定滇雲始以州治隸大理官  
吏之所張置典章之所頒布一視內地化推  
結為冠裳易侏儻以茲誦且二百二十年而  
志之有志則自莊守誠始輯之凡為志者一  
有一都為四卷蓋二百二十年來人情土俗  
之異同舊貫新條之因革彬彬為備矣予秉  
憲金滄承夙多暇嘗恨茲州記載之缺而文  
獻之不足徵驟得茲志閱之何其快也由漢  
建置以來雖其尚陋猶有近質之義今文軌



大同法令畫一維符茲土者先後數十人乘  
輶問俗之使不絕於道制度文為之盛蔚焉  
與中州埒乃民風漸滿吏治漸靡奸嘉漸滋  
物乃漸竭令識勢閔時者每嘆江河之日下  
而思函夏之難此何以故毋亦風氣日開文  
勝反以滅質科條日家禁詳文起奸故歟抑  
守茲土者簿書期會之功多而移風易俗之  
道寡繇致然歟大都政非可以徒法行而行  
於得人效非可以空文見而見於責實守土  
者因華志之文而未興章之實鏡古以綜合  
稽前而懲後汲汲焉維扶衰拯弊志雕反模  
之為函庶幾哉猶可挽而之古而趨之治理  
效當與茲志茲傳矣斯不一在守軒茲志之  
心予閱茲志之意歟若乃原本山川極命草木  
感星物之移換叙登眺之流連紀制觀之成  
毀述縉羽之幻怪斯無闕於政教之大者故  
可得而畧也

萬曆丁亥孟冬穀旦



賜進士第中憲大夫分守金滄道前奉  
勅提督學校雲南等處提刑按察司副使句

餘胡維新書

纂修趙志由畧

一趙原無志修茲志也其大槩祖於郡誌其  
細目訪於民間覓之本州蘓氏得家傳三  
世遺稿覓之雲南常氏得家藏草簡二冊  
其畧而未備者則移文各屬又親問諸耆  
民士大夫博稽而補葺者也

一委用纂刊者本州儒學學正任試訓導王  
利賓吏目李待陞也至於專纂葺者則利  
賓也其捐饒銜字而時檢匠二者本州同  
知劉一瀆也

一延用其事者大理生員沈珊本州生員趙  
良臣鄒維賢鄒有賢揚於朝王業時仲芳  
韓汝嘉張學銘陸如義李進張文軫林銘  
美鄒世昌而創葺畧者沈珊專隴者鄒維  
賢王業時仲芳林紹美秉公論者趙良臣



等諸人也

一選用謄錄者。省祭熊臻元州吏楊柯州民  
楊載德徐本忠陳正印焉應義而編閱繕  
真者則載德也。至於刊刻匠殺棟用商文  
誥等十陸人而專督檢點勘磨改正者亦  
文誥也

一會計查檢出納籌畫者。工吏石綿本裝帙  
者洪氏等諸人也

一刪繁補潤裁定祀典上下人物不私於親  
暱不畏乎豪勢矢於天日不敢不公者知  
州莊誠也

一區畫林二處議供餽上不敢冒破公帑之  
金下不忍沾浥窮民之潤赤誠之責也

萬曆拾伍年歲在丁亥捌月中秋日

大理府趙州知州蜀成都莊誠筆



卷之一

地理志

地圖

沿革論

沿革表

沿革史證

星野

形勢

疆域附里至

山川附嶺洞泉池

城池

風俗附鄉約

物產

溝洫附提閘塘填

橋梁

市肆

勝境

古蹟

卷之二

建設志

治職附公署

倉儲

庫獄

養濟附藥局園塚

驛傳

關巡

哨守

亭舖

賦役志

戶口附田地

稅糧

均徭

里甲附坊里

課程

諸役

兵食志

兵數

兵制

兵署

兵儲



學校志

儒學附射圃學田書院

教法附會規

甲科

鄉舉

庠貢

封贈

坊表

辟舉

社學附義塾

卷之三

官師志

名宦

守令表

師儒表

流寓

人物志

鄉賢

宦業

孝子

義士

節婦

隱逸

武功

朝儀

鹵簿

表箋

祠祀志

祀典附樂

群祀

方外志

仙釋

寺觀附卷閣宮塔

祥異

卷之四

趙賧始末

遺文

文類

詩類

趙州志目錄終



趙州志卷之一

知州莊誠輯

地圖

蓋自禹鼎沉而圖籍起周禮職方氏掌天下之圖以掌天下之地周之其利害大司空亦掌之則信乎圖之不可也已趙州地圖郡志已有之然槩采而詳觀者畧焉茲譜乘之萬一云爾

沿革論

趙州隸大理其沿革之述真魚不同者然或攷於未昌附於雲南北何以稱焉安焉端臨考甲為貢華陽黑水為梁州自漢川以不皆其封域舜置十二州梁州其一也以西方金剛其氣強故白梁州周禮合梁於雍即殷夏之間所謂已寶彭濮人也秦惠王使司馬錯伐蜀有其地始皇兼天下置郡為漢中漢武帝置十三郡為益州益州之名蓋自此始也王莽末公孫述據之蜀漢昭列復其地武侯



平西南置四郡晉分益州南境置寧州南地  
朝因之唐分北為山南西道無分入京畿隴  
右道及黔中道唐末為王建孟知祥所據宋  
宋棄而不郡端臨北論蓋合屬與滇言之也  
非趙州之專考也又按郡志李元陽考曰梁  
雍亦曰雍州楚莊躡玉滇是為滇楚漢武封  
天竺王之裔仁果為白王上入勝覽從司馬  
相如按學如開文教明帝永平二年柳貌內  
附置永昌郡分葉榆置之章明帝元和二年  
滇池出神馬四耳露降白鳥見乃建學立師  
三國蜀漢建興二年故益州為建寧三年益  
州渠帥雍闓殺永昌太守附吳武漢渡瀘至  
南中斬雍闓服孟獲四郡皆平以呂凱為大  
子晉武帝分益州置寧州太康中又復為益  
晉康僭據於季持經畧於符堅分錯於宋齊  
梁陳之間建隋大業中蒙氏興分為六詔唐  
高祖帝仁壽將兵循而洱河貞觀二十二年  
遣將軍梁建方論滅信麟德初隸姚州

即古寺  
隸地也



賜皮羅國為歸義三號大理國貞元九年冊  
異年尋為雲南王政國號曰大理宋王全斌  
欲乘代蜀之威襲大理太祖以玉斧畫大渡  
河曰此外非吾有也以故三百年間逆與中  
國威元世祖分兵進薄大理虜敗智興立萬  
戶府至元間改為大理路

皇明洪武間

高祖命隸川西平二侯取之始建府州縣雲  
南迺平元陽此論蓋合全郡言之也亦非趙

州專考也按趙州舊志云漢武帝元封二年  
屬葉榆明帝永平二年割益州西部都尉所  
領六縣合為永昌郡六縣屬葉榆蜀後主建  
興三年武侯平西郡分葉榆隸雲南州乃屬  
之時葉榆蓋稱益州地也隋以前併郡為益  
州唐時蒙氏據大理始號趙州賧後改氏又  
以天水為趙改為天水郡州之名趙始此原  
置趙賧千戶所屬萬戶府至元間併白崖賧  
勃弄川立建寧縣領之屬大理大路



國朝洪武十年改路為府賧仍為州領縣一  
曰雲南雲南為邑始於隋大業中有五色雲  
見於邑在雲之南因名晉帝據華陽國志言  
建興有神鹿一身二頭而角衆列建興即雲  
南也 元郭松年火理行記雲南州西北十  
餘里山麓有石如鏡光鑑人面故又名鏡州  
此其大畧也其諸沿革與州同夫趙州為大  
理咽喉區奧壤沃漢唐羈而弗子趙 宋絕  
而不收

天啟

皇明統一神自然後鳳山增色麟麓呈姿苟  
撫字得人萬世之一世也

沿革表

趙州

唐

梁州

虞

夏

商



周 合梁於雍亦稱雍州

戰國 楚莊躋王滇時屬楚

漢 置益州郡

莽新 郭昌徵廣平定時州屬葉榆公孫據益州同

東漢 明帝永平二年哀同年國王柳貌內府置永昌郡分葉

榆隸之州與馬章帝元和二年滇池出神馬四耳露降白

鳥見乃建孝師

蜀漢 昭列帝建興二年改名雲南郡益州為建寧郡三

年益州源帥雍闓擒孟獲以呂凱為雲南太守有

孔明之迹始此

晉 有李特據蜀分置漢州州屬焉

南朝宋 屬東河陽郡寧州統屬雲南郡

齊 屬西河郡

梁

陳 鏡州

隋 大業中置總官府遙攝葉榆州附之

唐 屬姚州郡蒙氏為趙初置雲南郡貞觀中賧度羅置

趙郡閭改臣州後張仁果挾羅鳳改為趙州趙為州之號



白子國蒙氏為雲南州

五代梁

鄭買據大理州附

唐

趙善政楊子貞據大坡州理州附

晉

改思平據大理改為雲南州天水郡

涼

段氏據

周

太祖棄而不取終宋之世皆段氏切據三百餘年 觀天日  
文獻之酒厥有由矣

宋

元

憲宗時改大理府立品甸千戶路立上下二萬戶  
府所至元十一年改元州從之又立趙賧千

戶所南州隸下萬戶府至元十一年又於白  
崖賧立縣即右勃弄地也至二十五年又  
華縣入州

大明

洪武十六年仍為趙隸趙州轄雲南一鐸州領  
縣一轄德勝閩安南坡你甸楚場三定西嶺  
三驛迷渡市巡檢司乾海子定西嶺巡檢

三

沿革史證

郡志引史傳證沿革百餘條具載則滋蔓而



而無章畧則之因微而誰信適資捧腹安取改  
容茲特采其闕大體功州治者若干條以證  
考夏匪徒稽承訛於既往抑亦縣龜鑑於將  
來撫事防微未必不勸觀風者之思也

唐克之興因顓帝所建為九州其西南為梁  
州治屬焉禹貢華陽黑水為梁州仍屬之

周武王受命時亦為九州成王合梁於雍并  
郡兼屬

以上杜氏通典及文獻通考

楚項廢王便淮躡將兵畧已蜀西至滇池以

兵威定屬楚欲報仇秦擊楚巴黔中郡道塞  
不通以其衆王滇長之併撫靡莫之鄉靡莫

即今州治也

南夷傳註云

漢武帝元狩元年命王然平相始昌呂趙人間  
出西南夷至滇指求捐毒國歷靡莫道哀牢

西南夷傳

元封元年即中司馬遷奉使西征巴蜀南畧  
邛笮昆明毘賒還報命 毘賒即今定西嶺  
二年以中郎將司馬相如持開趙佳所接道候



轉說開益州渡赤水江時文作難蜀父老檄  
赤水江即今白崖

是年遣將軍郭昌衛廣平西南夷未服者降  
滇昆彌與焉以為益州郡 武帝本記

建武入年渠帥棟蠡復葉榆昆彌弄棟諸姜  
復叛益州太守繁勝退保朱提將軍劉向  
討平之 光武本記

明帝永平十二年哀牢五柳統率衆內附蜀  
以其地置哀牢傳南糜莫三縣割益州郡西

部六縣為永昌郡 哀牢夷傳

元帝五年永昌益州及蜀郡夷叛應封離等  
衆至十餘萬益州刺史張喬討之從事楊竦  
屯三耳山至葉榆擊之封離詣竦因奏長吏  
姦獨侵犯蠻夷者九十人皆威死三耳山

三耳山即州後鳳儀山 卬都儀傳

後主建興元年以諸葛亮為益州之牧經畧

葉榆等處

蜀傳續大理記

益州者帥雍闓等及

通鑑



仁泉時九陰八族之四世孫也強大居昆彌  
川號大白子國傳十七世至龍鳳那佑蜀漢  
建興三年諸葛武侯南征師次白崖斬雍闓  
擒孟獲平益州永昌牂牁越雋四郡即其渠  
帥而用之封龍鳳那佑為首長賜姓張氏諸  
夷慕武侯之德斬去山林徙居平地建城邑  
務農桑於是白種諸部始有姓氏龍鳳那佑  
改稱建寧國傳十七世至張樂進永而遜位  
於蒙氏南詔通鑑昆彌即今定西嶺白崖即今白崖川

南詔通紀云

佉年直生九子第八子蒙直頌居

白崖因號白國白人自號大白子國昆彌在

代之是為拜國張氏繼之是為建寧國昆彌  
氏莫可考蒙氏始興曰細奴羅亦名獨羅消  
九陰五族蒙直嵩之三十六世孫也其父曰

龍迦獨持細奴羅自哀平避難於蒙認白崖

別夷於蒙認呼為弥只今趙州有蒙認村有弥只里

晉大晏元年李膺李猛以昆彌叛李毅討破之

南忠志



懷帝永嘉四年以王遜為西南夷校尉寧州  
刺史咸五苓地勢形便由三耳山上分永昌  
為梁水即改益州為晉寧郡從之 本傳通鑑圖目

武帝咸和二年寧州秀才龐遣起義兵攻李

雄將任佃李讓等雄遣將羅桓等殺之刺史

尹鳳等遣裨將姚兵太子楊術接遣戰於昆

彌嶺敗兵績術死之 本記

隋開皇十五年置益州總管史萬歲畧地

至糜莫 本記

唐高祖武德七年命帝仁壽檢校南寧州都

督寄治越巂仁壽將兵循洱河道洛龍川即

今趙州洛龍山也

開地置七州十五縣請治南寧州假兵逐摠  
定詔可 通鑑

太宗貞觀二十二年遣右武候將軍梁建方

詩松外諸蠻遣使詣西洱河龍尾閣諭其帥

楊威等皆致降 本記

唐天寶九載楊國忠以鮮於仲通為劔南節



度使雲南太守張虔陀淫雲南詔閣羅鳳

怨趙賧等地為三十一縣 本傳

十載劔南節度使鮮於仲封南詔戰於西洱

河大敗大將王元運死之 今下關舊舖有萬人塚敗地也

隋雲南都護府閣羅鳳北臣上番為贊普鍾

僭號大蒙國 南詔傳

十三載劔南節度使留後李宓擊南詔於西

洱河敗歿 今舊舖有萬人塚即其敗地也 閣羅鳳因取舊

州會同軍擾清溪關以破越析 南詔傳

貞元五年異牟尋遣為蠻鬼王蔓衡苴聘於

劔南節度使常臯因入朝常臯遣其崔作時

報之盟於點蒼山并諭昆彌諸酋 南詔傳

象太祖乾德三年王全斌平蜀欲因兵威取

雲南太祖棄之時郡并州遂為段氏竊據 通考

元忽必列以劉時中為宣撫使司段智興安

輯大理等處 本傳

元世祖二年段信首日入朝賜虎符領大理

等諸郡時州隸大理 本記



三年置元帥府於大理命昔撒昔總制鬼國  
大理兩路并割趙本傳

八年分大理三十六部為三路州為一路本傳

皇明治武初改寶道段貞奉表歸款獻大理  
屬郡縣圖

十四年秋七月潁州侯德文傳永昌侯藍玉  
西平侯沐英同將兵征雲南平之擒大理段  
寶二孫賜名歸仁歸義雁門衛鎮撫置大理  
府太和縣趙州雲南縣及鄧川州浪穹縣雲

龍州賓川州由是

皇風翔洽復吏迭興文物衣冠埒中土矣紛  
紛竊據始為神聖之祛除爾於戲体哉

### 星野

趙去郡也咫星野之辨莫復異同然而有說  
焉或謂益為秦分其星井鬼或謂益嘗屬楚  
其星嘴參謂嘴參則當後治於楚謂井鬼則  
當後治於秦是尚得為通論哉或者曰嘴參  
益州入參七度越嵩入嘴三度於辰為中於



次為實况於分為魏又曰東井與鬼自弘農  
故關以西治張披酒泉又西犂犂越雋益州  
皆屬焉自井十六度至柳八度於辰為未於  
次為鶉首於分為秦自漢大文志星經元命  
包及鬼谷張良譙周張衡李淳風互主之獨  
唐生一行以為星之與土以精氣相屬而不  
係於方隅其占以山河為界而不至於州國  
益州與渝即接壤則其宿井鬼為宜言益州  
之星野者蓋莫辨於此矣嘗誠論之周禮大  
司徒曰以土宜之法辨十有二度之名物保  
章氏曰以星辨九州之地所封封域各有各  
野夫司徒只言十有二度未嘗斥言其所應  
者何次保章氏言星土辨九州之地而不明  
言其所辨者何星其星土不可以州國拘也  
如以州國拘則秦在西北西井鬼在西南為  
益州專分可也而以井鬼為秦可乎嘴參在  
西魏在東北匪惟無關於益州即魏且無當  
也而以嘴參為魏可乎此又不論之矣夫司



徒與保章之所辨故以觀妖詳也由是推之  
州守之所觀者一州之星也郡守之所觀者  
其一郡之星也其纏度同其畧刻同趙去郡  
六十里而近其提封同胡守觀一州之妖祥  
以為一州之脩可也郡守豈可以為一州之  
妖祥而不為之救政序事哉知乎此者則可  
以言野星之辨矣

應井鬼星 按漢書曰東井與鬼為雍州 接唐書鬼井

二星西南徼外夷人此占之則知州城而西南徼外內地應井鬼二星分

應北斗開陽星 按廣雅六布度定紀分州係像梁屬開陽

應三台司中上星 按宋史云中台上星主梁雍

辰為未位 按統言曰自東井十六度至柳八度為鶉首於辰

未屬梁州

### 疆域

趙州郡志南六十里東七十里至賓州州界  
南一百三十里至楚雄之定邊縣界西一百  
八十里至象化府界北三十里至太和縣界  
山川附嶺洞泉池



趙州鳳儀山

在州治西山一身兩翼如鳳來儀州之正山也舊名三耳山以其形似耳曰越耳曰進耳曰震耳卒山律慈備其上若雲與霞蔚

浴龍山

自鳳儀山左翼迤邐西北與西洱河相望若龍飛將浴然故名

九龍山

在州治東九峯相聚如九龍昂首而出婉嫗三十餘里同名

五佛山

在州治東十五里其山雄渾嵯峨綿亘魚際東南諸山谷其文

東山

北州之案山也與鳳儀山相對其山高拱同西有五六里立社稷壇廢北山後林箐縱橫賊盜出沒嘉靖間知州潘大武立黃草墳哨民賴之

卧麟山

一名象山其狀若卧麟然嘉靖年間遷社稷壇於其上進士盒壘取以馬号可想其靈秀也

華藏山

在卧麟山南里許高百十仞有古刹山麓民居皆渾摸人以為

南山

在州治南七里形環而如獅口盖州院塞地也孔道穿其中峯或以為武侯坎斷其地麻氏道此

金桂山

古有金桂生其巔蔚然成林同名

赤佛山

山中有赤石如佛山高聳為州南雄鎮南接定西嶺北連峯嶺建經其中瀆有爽氣

龍母山

九龍山脉於此起故云龍母

猢猻山

龍母山之別支持出道石其形如猢猻故名猢猻

曲別山

五佛山之下有清流普濟祀祠龍神禱職應原記已入之於祠下

羊角山

在別治東南山蟠蛇數曲夕陽斜照其形羊峭如羊角麓有建峯廟倍傳蒙氏以祀州東人趙康慶即白髮師里

浴和山

在州治里南三里松杉參天翠蔚并列山隈有圓通寺

龍伯山

在州治東為東道除隘元至正間有土酋為塞於其上又名石塞山入箐抵烏龍堪



相國山

在州治東北十里有老人言蒙氏之大理登此以相形勢故谷又曰元封改氏為平章建寺於其上因以名山近是

環龍山

在州治東北八里恃聯東晉湖塘環繞以是如帶

蛇山

在州治東北透迤如蛇

青山

在州治東北山巔峭接如削蒼翠蔚然山下有廟田曩聰獨秀蒙氏時建

紅山

在州治北潼土赤橫塞西洱河之衝風氣收聚左麓有天生石佛寺

玉案山

在州治北十五里襟帶洱河秀整如案

龍秀山

在州治西北勢如行龍秀出諸峯之表

三台山

在龍尾閣南五里崖巍千仞與點蒼齊其山分為三表有三台之象

龍華山

在州治南一百里古有龍華寺

巍山

在彌只里南山勢崔巍倍傳蒙氏細羅避難居此耕牧宅然尚存

鳳凰山

在州治東南一百里倍傳昔有鳳凰現于此至今遇春群鳥鳴集千其處

鉄甲山

在州治東南山多黒石森列如鉄甲

覆金山

在白崖州西北如覆金狀山下有石火出未

風嶺

在州治西嶺高峻可并點蒼其巔多風四時狂發不絕

定西嶺山

在州治南四十五里舊名昆稱嶺西平侯南征過此致今名高十五里連至三十餘里即自景東無量流行而來山勢高峻險狀惟一線道途故設巡檢以防要害殆所謂一天當宮萬夫莫窺者其

黃崖洞

在四十里橋南五里崖高千仞洱河西流遠其下中有奇洞深穴

龍泉洞

在水磨盤哨東玲瓏寬敞可容二三百人流東出其下



白石洞

在湯頭村澗頭其巧虛峭有若天竅其石如雪

九龍洞

在迷渡東北形殿廟宇泉出其中居民以為龍祠

懸香洞

在白崖石孔邑西洞形玲上有石乳香一株可伸而不可取

大江

一名波羅江出昆彌與白崖赤水江同源分自北合州治西入洱河

赤水江

與大江同源分流自南由礪谷中出經行白崖川會昆雌江南流入浪滄江

昆雌江

源出蒙化流入赤水江合入禮社江

禮社江

出魏山由蒙合川入定邊縣浪滄江出沅江入交趾界

聖泉

在五佛山下中歲不竭不溢因名曰聖

溫泉

有六一在州治煉場舖一在破石洞一在白總旗營一在坡蟆口俱寒熱甚調能痊濕疴久皆趨之

東晉湖塘

在環龍山下九泉出水冬春猶停畜成湖澄碧可流其水利普流數百畝田地有碑

識入羣血志

玉良水

源山五佛山西流合大江入西洱河

天池

在龍伯山上涯碧成潭四時不涸下有石穴出水流田民間賴之

烏龍雙塘

源出賓川烏龍山西流至龍伯山東南百步分為二派一入南石穴潛行白崖川西復釜山下

合赤水江一西流合龍伯山下龍全會大江入西洱河

城池

趙州舊不城每鐵索箐赤石崖盜起輒肆剽

掠以去州民苦之弘治二年嗣使林俊築土



城四穴其門門有樓城外鑿深丈許趙之士  
民無慮於蓋藏林公賜也然土城不磚懼匪  
堅焉不無望於後人云

張志淳記曰

成天下之事不難近而難於遠不

難於功之力而難於功之所以力者有以斯  
民而遺後世是雖竭民財與力以為之猶不  
定於義况處之有道而不致於傷財病民  
者乎於戲此城趙之舉所以有功於民而非  
尋常建立條編者之所能企也趙之地舊天  
水而始有郡之名自胡元入中國而方有州  
之設自我

聖朝遷州治於三耳山之下建學立師以教  
以養而始有禮樂詩書之習聲名文物之盛  
顧其地平衍而當上下之要衝其民繁而無  
城廓之防衛以故盜連為群恣睢剽剽州人  
苦之屢沅築城事下有司不果

皇帝御天下之二年適雲南按察司副使蒲  
田林公俊來巡是道州人聞公名以築城請



公乃免後募義凡若干事方就緇於

弘治己酉季冬月朔日經始庚戌年季夏望

日告成周以丈計八百四十有奇高以尺計九

一十有三享有高之半下廣而上銳塞以石

覆以瓦環遠以隍開四門東曰見山西曰儀

山南曰嚮明地曰用夏暨接於上又別為二

門以通於下傭計十萬西無逮於民財計四

千而無預於官刻石以記其後城有圯壞湮

塞 正德八年知州王宗器葺濬之濠外種

抑

嘉靖二十三年知州潘嗣冕重修作堤以捍

水

萬曆十四年北塞尤甚知州莊誠補築開挖

高深如舊求免浸淹之患改匾其四門東曰

接龍西曰儀鳳南曰嚮明北曰拱極委同知

劉一濂督工民爭趨赴旬日告竣

風倍

趙州治南

日多人稀皆知勤生力本



治北

土田火生蔬稱其入多遠營

治中

力水與逐末兼事其人多淳樸好施有禮十會有捨棺會

白崖川

平行人多樸野

迷渡市

各省遊民借居其人好誣訟

德勝驛

衝要人多浮滑

星回節

六月廿五日酋長曼阿奴之妻阿南其夫為漢將

偏祥和世忠所殺欲妻之贈以衣飾阿南恐逼以治之曰

妾欲從君君能從我三事乎曰從曰一須作墓次發故夫

二須焚故夫時衣易君新衣三須令國人徧知禮嫁明

日如其言聚國人張松幕置大其下阿南袖刀出令火熾

盛石焚夫衣告曰妾恐以身事仇遂引刀自斷身仆火中

國人哀之每歲以是日焚炬聚會以弟之後人名為星

回節及南詔滅六詔遺事非是此節通省皆然而趙州是

脫勿輪村市高焚火把馳馬對歌其歲有立春元宵

清明四月八日五月五日七月十五日八月十五日九月

初九日冬至腊月廿四日祀灶掃室除日守歲

與東土之俗大畧相同

講鄉約

趙州鄉約原有定制一向缺講知州莊誠每日於初  
二十六集士民詣城隍廟講明 聖諭其鄉遠不



便赴州者即于本地僉置約長照列奉行有犯義者諄切宣諭令其悔悟乃著訓民俚語刊刷頒示各敦禮讓風俗不憂溷土貿易有婦女趙亦腫之知州莊誠目擊其弊條呈禁革至今市井貿易間有小鄉老婦而年幼者進迹矣

物產

趙州稻之屬十二 白麻線 紅麻線 豆嘴 白穀 紅皮

矮羅 青芒 老鴉翎 金粟銀 早穀 吊穀 葉裡藏 白毛穀

糯穀之屬八 香糯 殿糯 黑嘴糯 油糯 柳條糯 大糯 小糯 白圓糯

黍稷之屬三 黃黍 粟 紅蘆 菽 穀

麥麩之屬五 大麥 小麥 玉麥 燕麥 禿麥

蕎稗之屬五 刮蕎 苦蕎 米稗 糯稗 鴨爪稗

豆之屬八 蚕豆 黃豆 紅豆 黑豆 架豆 灣豆 青皮豆 楊豆

菜茹之屬二十四 薑 笋 葫芦 黃芦皮 麥蘭 白菜

青菜 芥菜 樹頭菜 菠菜 生菜 同蒿菜 葱韭 薤蒜

豆菜 豆芽菜 樹杷菜 茴香 海菜 萬年菜 老蕨 魚蒿菜

瓜之屬八 冬瓜 西瓜 金瓜 銀瓜 青瓜 系瓜 玉瓜 黑瓜

薯芋之屬五 山藥 山薯 紫芋 紅芋 白芋

菌之屬九 松菌 柳菌 牛乳菌 木耳 白生

胭脂菌 芝蔴菌 刷帚菌 香蕈



藥之屬五十一 黃精 菴蒲 菊花 天冬 茱萸 黃芩

車前子 地骨皮 馬兜鈴 香豆蔻 防己 木通 茵陳 百部 防風

威靈仙 單麻子 羊蹄根 夏枯草 蒼耳 藜蘆 茴香 商陸

覆盆花 赤小豆 瞿麥子 一枝箭 烏梅 山楂 槐實 槐花

白花地丁 黃葵子 金銀花 金線綫 半夏 地榆 芍藥 荆芥

益母草 牛蒡子 紫花地丁 蜂蜜 柴胡 黃芩 花椒 薄荷

當歸 黃連 青黛 紅花 紫蘇

菓之屬十六 莢 梨 梅 杏 李 林禽 羊棗

無花果 棗子 柿 楊梅 栗子 榉子 菱角 石榴 茨菰

竹之屬六 鳳尾竹 東坡竹 觀音竹 大竹 紫竹 京竹

木之屬二十二 赤松 飛松 杉松 圓柏 扁柏 香樟

椿木 梨木 夜合 水東瓜 黃楊 栗木 莢木 青剛 楊柳

槐 桑 皂角 棠梨 秋木 菩提樹 岳楊

花之屬四十七 山茶 碧桃 香蘭 牡丹 芍藥 海棠

絳桃 梨花 瞿粟 小桃 鵝毛 李花 棠花 木瓜 茉莉香

薔薇 杜鵑 夜合 葵花 石榴 丁香 山丹 鷄冠 石仰

剪春 萱花 匝竹 扶桑 龍爪 紫微 白鶴 素興 玉簪

木槿 刺桐 金鳳 梅花 荷花 菊花 冬蘭 桂花 直箭



玉蝴蝶 山櫻桃 金石斛 燈盞花 木犀花

禽之屬二十三 黃鸝 畫眉 鶯 燕子 班鳩

竹鷄 錦鷄 門鷄 白鷺 鶴鴿 金翅 青鷄 叫天 冬至

青胆 柳青 紅雀 羊鵲 鷓鴣 麻鵲 鶉鴒 黑頭公 蜡嘴

獸之屬十四 馬 兔 獐 鹿 豹 川山甲 香猫

山羊 綿羊 驢 騾 水牛 黃牛 水獺 猫

魚之屬十五 江魚 弓魚 鮒魚 細鱗 白魚 鱈魚 鰱魚

竹丁魚 抖葉魚 黃鱗魚 湖塘魚 油魚

蝦 螺師 螺膏 螺黃 螺蛋白

飲饌之屬二十三 密酥 密浸 乳線 酪酥 米線

茶 糕 餛枝 率粉 餠餅 豆豉 蓮煎 生膾

紅花油 松花餅 楊梅醬 哈喇吉 銀筒蓮

初藤 金盃 煮梅 酒 詩曰魯麻 江樓日日

醉忘却在天涯

物之屬六 線 蓆 鑽 白塏土 陶瓦器 玉泉沙

溝洫 附 提閘 塘壩

趙州東晉湖閘 知州潘大武建 以時啓閉灌溉湖外之田然湖

中水乾其田可耕故閉久則失湖田掉秧之期啓早則防湖外獲麥之候所以 五月五日啟閘九月九日閉閘敢有擅自啓閉者即受私者許諸人赴告治罪



湖塘水利定議

本州勒石碑記云

湖塘田丈量得玖百貳拾

畝柒分叁厘本州民種一半計肆百柒拾柒畝貳分貳厘事故田事百壹拾柒畝捌分先年民已起科壹百陸拾陸畝貳分大理衛後所官田叁拾叁畝伍分撥還城基田壹拾捌畝壹分實有田貳百伍拾玖畝肆分貳厘每畝租穀伍斗本州上納大理衛後所軍種一半計肆百肆拾伍畝伍分壹厘事故田壹百肆拾叁畝撥作官馬草場壹百畝又撥還城基田肆拾叁畝半分實存田叁百壹拾捌分壹厘每畝年追租穀伍斗本衛上納又自嘉靖四十三年內有州民住軍田民田彭何陽保告經撫按詳允批撥依擬水利照舊軍人民灌溉仍抄詳立石於本州大門後永為遵守定例

本湖水利

創流灌上下軍甸犁頭灣高倉班庄千戶營脚下

村紅山只羊下庄等處軍民田地俱有次序

雙塘在州東捌里洪武初年軍民人建

耳陶水利塘知州潘大武

議夾石為渠穿孔分水利始均

城西堤在州城西三耳山下

馮氏議泉

在州城內西鄉官馮燕建

河尾關洱水西流

點蒼之麓東臨大澤南為趙州水北下為洱

水濱田廬相望以萬計去治地一舍許

大洱山川誌舊名大江其源自定西嶺三子龍發次至赤佛後黑龍

潭環流入海灌溉軍民田地通州共賴

白馬廟壩灌溉湯頭舖村軍民田地

樹孫嘴壩灌溉湯頭江西照庄曲別等軍民田地

湯頭冲壩澗水流獅子山下灌溉同前四村田地

白塔冲箐河水灌溉五里江西村軍民田地

只摩冲河水灌溉小江西村本村軍民田地

牧牛冲箐水灌溉五里本村上下錦長三村軍民田地



老虎山溝 灌溉白橋華嚴村大營軍民田地

羅和冲溝 灌溉本村軍民田地

耳場箐 灌溉本村并羊耿軍民田地

水磴溝壩 灌溉羅和東山美樹登村庄科軍民田地

華嚴寺溝 灌溉本村大營流入城南城泮池中

水碾橋壩 灌溉河東庄科鄒官橋等軍民田地

城南冲 灌溉本冲軍民田地

城西冲 即高五水塘也灌溉本冲流入西城瑣至州左舖田

又自西城流入雙水洞灌溉左前所等軍民田地

城北冲赤子龍水 灌溉平冲并州城北外軍民田地

牧棕村 灌溉本村并院敬天東山等軍民田地

梁王壩溝 灌溉北門外蓮花池四家神庄石鼻千戶營田地

紅山溝壩 灌溉本村飛來寺只羊下庄馬加色軍民田地

老鴉寨泉 灌溉麻地許長洞鼻沙墩故蕩高倉等軍民田地

金星澗水 自深長次巷大渠三岔溝出水以立夏起溝灌溉左

前中右二所下閘堡四十瓦窰二里次巷西窰馬奴蕩等軍民田地

山西塘水 灌溉本村田地

夕羊場溝 原無定例上流下灌

沙鍋冲 灌溉天井洞後山西村軍民田地

舊舖澗 灌溉本村田地



地石曲澗 灌溉本村田地

以上自定西嶺至下關水利

定西嶺箐 內箐底南流於橋頭哨灌溉白崖一川軍民田地

谷鳥寺龍泉灌溉古城村前所柳色紅土倉觀音村曾營羅營軍民田地

黃草壩聖母塘箐水流灌溉土倉柳色羅家營三村軍民田地輪放

谷鳥寺 箐灌溉本箐田地

嘉樂壩 自桑木箐出二十里流灌加買舖蔡家營總府庄加買

村牛宗村色張家營馬房營等軍民田地  
馬料河 水流仙女庄田地

黃草壩箐溝 流灌豹韜衛營北山營上下軍民田地

天子廟箐溝 流灌大理衛景東衛觀音地總府庄家化衛軍民田地

北箐溝灌溉廣南營豹韜衛小西庄於官營家化廠高倉營大倉營

官家營董家營張剛廠雙樹小村犁頭村趙村總府庄青土坡  
規槽營濫泥庄北桐樹庄景東廠楊家營王家營白馬廟軍民田地

南箐溝 發源羅武村山後龍塘流灌大西庄和官許官營小西庄

張旗營張總營趙州景東二處軍民田地  
馬桑箐黃草嶺二塘灌溉小西庄家化廠後所營上馬臺村桐

樹庄等軍民田地  
西河 在迷渡巡檢西 迷渡橋志云 原係白箐定西嶺箐底果

園箐天生橋五處溪澗水道總歸灌溉總府庄家化洱海景東衛  
等處及本州村屯軍民田地水利各有定規

水患壩 在迷渡市城北舊築水堤水亦流入西河

以上自定西嶺南至迷渡大庄水利



橋梁

趙州通濟橋

在州治東街 天順七年百戶胡瑄建

永安橋

在城南門外弘治二年築城楚雄同知陳寶建

太平橋

在城北門外千戶時雍建

鳳儀橋

在城西門外千戶桑欒建

城南橋

在城中南學街木橋後易以石

水碾橋

在州治南一里 嘉靖二十九年知州潘大武建

北橋

在州治南五里知州潘大武建

獅子橋

在北橋南五里知州潘大武命州民葉英建

湯顛橋

在湯顛舖州民羅士傑建

東山橋

在州治東一里鄉官李載陽建 萬曆十五年邵廷文易木馮石重建

見山橋

在州治東門外州民翁秀建

鄒官橋

在州治東北一里邵廷文建

神庄橋

在州治東北二里 萬曆十五年知州莊誠建

城澄橋

在州治東北架江水上

紅山橋

在州治東北五里

只羊橋

在州治西北六里

白崖義橋

在定西嶺驛西堡人盛葉建



鎮龍橋 在州治南五十里定西嶺下

磨盤橋 在州治北西三十里陳輔建

彩雲橋 在定西嶺驛東二里雲南縣官楊舟建

嘉樂橋 在白崖嘉買舖

迷渡橋 在迷渡西跨赤水江萬曆二年督捕潘大壯黃若金建

左清密底二河橋 在州治東南一百二十里生員楊本榮建

大庄橋 在州治南九十里

元橋 在州治北馬加邑村解元王吉人建

市肆

趙州市有三 子市 在北門 辰市 在南門 申市 在州前

德勝關市 癸日市

白崖川市 六日一市

迷渡川市 己酉丑日市

江西村市 亥日市

大庄市 辰亥日市

甸中市 六日一市

彌只市 六日一市

勝景



趙州捌景

鳳山曉月

鳳山屹蒼嶺每終魂之旦瀲灩西沉如玉軟盤翡翠屏瑞清絕可愛

龍谷晴雲

治水廓龍山即五佛山有雲天晴無雲天雨州人常以此卜陰晴

華巖春風

華巖山隈春月東風披拂遊入城溪

昆彌雄鎮

即定西嶺雄巒疊嶂嚴然天險州南隄此以為固

鴉寨分流

在州治東濟祠下西竅分出清流澤普

獅崗帶水

在獅子口山環水帶繪為奇觀

天開玄竅

在西嶺下列泉噴玉地設天成

御井清泉

在州治西北官道傍元世祖癸丑南征駐蹕其所時軍軍士渴甚上以寶劍揮地清泉湧出

古蹟

趙州舊州治

在里仁鄉路東今漢邑硎鼻諸村是也

湯州

白崖蒙氏改建為湯州

安東城

在州治東二里蒙氏安東將軍李專珠所築今廢

梁王臺

在州治東梁王所築

御井亭

見勝景

鳳嬉亭

參議金疊宅以館楊慎慎去亭廢

唐城

李宓南征時築今廢

澄城

在通知寺東北世祖駐蹕之所至今草木不生即安東城也



文案洞城

在白岩川張樂進所居築有彩雲見故名彩雲城

諸葛城

在迷渡市北孔明所築

孔明故壘

在環龍山頂世傳孔明南征屯兵於此址存

蒙氏宅

在魏山下蒙氏細奴羅避難之居

鳳棲木

在定西巔驛東一里許俗傳鳳棲於此樹至今有千數鳥朝之

元世祖故壘

在白崖驛東七里許

小國公營

在華嶽山後西平候平大理沐英於此駐兵故名

白鬚師里

在羊角山下天住僧白鬚師寓於此

蔓神寨

在龍伯山下三面陔絕元至正間土酋援為寨故名

神農服牛

在龍尾關東南五里牧馬山嶺神農氏服牛處水牛

耕三路黃牛耕三路遺址面存

天橋

在龍尾關西五里俗傳觀音大士鑿波濤萬頃瀉於一

竅白晝雷霆聳數里懸崖絕壁石梁跨之憑虛凌空險不可度  
名曰天橋橋之北有水曰璋又名曰一線天水故道也橋之上兩山如夾  
中啣滿輪天橋擊之奇絕可訝名曰天橋啣月葉榆十觀此  
其一也

鉄柱

在州南百里白崖武侯既擒孟獲回白崖立鉄柱紀功

政大白子國曰建寧國即其地也柱歲久剝泐至唐懿宗咸  
通間龍佑十七世孫張樂進等思武侯之功重鑄鉄柱  
合前長九人祭天於柱側是日有鳥集於鉄柱頃之  
飛憩蒙舍酋長細奴羅左肩上衆以為異戒勿驚擾奴  
羅寢食惟謹經十八日鳥乃去衆以為命彼屬張  
樂進求逐逐位奴羅奴羅不敢當衆強之立為興宗  
土是為蒙舍南詔



廿

武侯印跡

在定西嶺路傍石崖上相傳病瘧者影其印即服即愈

天生石佛

紅山左有石佛高六丈餘石階三級有佛之象

石門關

在天橋下右壁斬絕則河水湍激路僅三尺馬不能并行

華陽井

在州治西北二十五里水清冽有龍異

蓮花池

在州治西北二里段平章布蓮於此今廢為田

武侯斷地

脈在州治中有二處南山斷為西截獅子山斷其首定西

走馬路

嶺斷小紅山其中外八處因山脉而斷  
在州治東三里段氏得龍馬於山下湖中築此習走

趙州志一卷終

